

籌辦夷務始末

同治朝
卷九十五之九十六

347.911
50000

籌辦夷務始末卷之九十五

同治十三年甲戌六月丙子福州將軍文煜閩浙總督兼署福建巡撫李鶴年奏五月十六日承准軍機大臣字寄五月初一日奉

上諭該省防務沈葆楨文煜李鶴年當統籌全局妥為布置等因欽此臣等當即恭錄咨行欽遵在案查日本違約稱兵之初臣鶴年冀其尚可理諭未敢遽議用兵現在倭謀顯露恐非大張撻伐不能戢其狡志杜其貪心惟兵費一開勢必分擾沿海輪舟往來倏忽沿海處處可通臺地防務由沈葆楨就近妥籌內地各口臣等責無旁貸惟道路繇互

防不勝防。先其所急。以廈門。福州。為最要。臣等通盤籌畫。海防之要務有三。一曰選將練兵。二曰礮臺礮位。三曰攔河諸物。練兵募勇大略情形。經臣等於五月十一日奏明在案。惟近接沈葆楨咨。閩蘇澳情形喫緊。擬令陸路提臣羅大春駐紮蘇澳。業經恭摺奏報。臣等已飛函催令東渡。廈門防務。改派漳州鎮總兵孫開華統領兵勇。會同署水師提臣李新慈。妥籌布置。並飭署閩安協副將楊廷輝。召募附近漁人為一軍。以絕寇資。而期得力。至福州。廈門。等處礮臺。先經臣等派員察看。分別改築。茲查福州五虎口礮臺五座。尚屬完全。惟皆係甄石砌成。薄而不堅。鐵礮尚

多。不能及遠。破堅廈門。自道光二十二年失守之後。礮臺一律毀平。並未重築。鐵礮尚存十餘座。礮門皆已釘毀。不可復用。況洋人船堅礮利。日異月新。斷非尋常礮臺礮位所能制勝。臣等現已嚴飭善後局司道。飛購一萬斤以上洋鐵大礮數十尊。次等洋礮一百餘尊。其福州口礮臺。咨由林壽圖於最要之長門寨。築三合土礮臺一座。其尚龜牧龜等處。先就舊臺添築沙土。隔堆廈門等處。舊址全無。擇要先築三合土礮臺一座。至於攔河諸物。水雷為最。省局存有二十餘尊。不足以攔一港。已由沈葆楨飭洋將購製。沈船築壩諸法。臣等當察看情形。緩急次第豫備。惟戰

守必須兼籌。能戰而後能守。礮臺水雷。須與鐵甲衝船。轉輪礮臺鐵船戰船。相輔而行。廈門孤懸海中。南北相距。不過數里。洋礮大礮。可以對穿而過。非有轉輪礮臺鐵船梭巡海口。輔以輪舟五六隻。恐不足恃。除鐵甲船業經臣等奏奉

諭旨准購。其轉輪礮臺鐵船等。擬函商沈葆楨。分別辦理。昨准沈葆楨咨開。以臺防緊要。請撥餉銀二十萬兩。洋火藥三萬磅解臺。以免貽誤等因。臣等當於海關釐捐兩項。合籌銀二十萬兩。並撥洋火藥三萬磅。交船廠輪舟解臺。以濟要需。

文煜等又奏。再前泊福州口內之日本孟春兵船。已於十四日開駛。頃據通商局稟稱。據稅務司雷德知會。探得本月二十一日。有日本鐵甲船一隻。木輪船一隻。離福州五虎口百餘里外游弋。如果臺灣開仗。卽擬內擾等語到局。理合稟報等情前來。除飭派員查探。並嚴密防範外。謹附片密陳。

諭軍機大臣等。文煜、李鶴年奏。布置海防。籌撥臺防餉銀軍火。並探報日本船隻在五虎口外游弋情形各摺片。日本違約稱兵。昨據沈葆楨奏報到臺。後業經給與照會。向其理論。並經潘霽親赴瑯嶠面加詰問。是否斂兵回國。尚未續有奏報。現據文煜

等奏。福州五虎口百餘里外。已有該國鐵甲等船。在彼游弋。是福州廈門等處。海防甚為喫緊。文煜等現擬擇要堅築礮臺。並飭副將楊廷輝。將附近漁人。召募成軍。免資寇兵。卽著迅速妥為布置。並飭總兵孫開華等認真辦理。以期有備無患。所需水雷。及轉輪礮臺等。卽著咨商沈葆楨妥為籌辦。以資要需。此外沿江沿海。如尚有扼要之處。亦當豫為防範。毋稍疏懈。臺灣近日情形。自沈葆楨給與照會之後。日本官如何照覆。能否就我範圍。著沈葆楨等相機妥辦。仍隨時奏聞。以慰廑系。

己卯。福州將軍文煜。閩浙總督兼署福建巡撫李鶴年。辦理臺灣等處海防兼理各國事務沈葆楨。幫辦臺灣事宜。

福建布政使潘霽奏。竊臣等於五月初七日。業將到臺大略情形。奏明在案。是時各輪船先已派赴雞籠。淡水。瑯瑤等處。十一日濟安船到。臣葆楨將前摺飭令遮津。詎管駕官甫登岸。卽風濤大作。連日雷雨。海水橫飛。十六日始得出港。續奉同治十三年四月二十一日。二十五日。

諭旨兩道。遵卽悉心籌畫。勉期周妥。臣霽於初八日。偕臺灣道夏獻綸。帶同隨員張斯桂等。並邀洋將日意格。斯恭塞格。乘輪船由安平衝濤出海。下午已抵瑯瑤。風濤倒捲。舢舨不得攏岸。羣躍而登。晚宿車城。次早直叩倭營。晤其中將西鄉從道。持臣葆楨照會。及彼公使柳原前光信函。與之反

覆辯論。迨其報謁。復逐條窮詰。始則一味推諉。繼遂理屈詞窮。十一日竟託病不見。臣霽及夏獻綸派人先傳各生番頭目。至者百五六十人。服飾詭陋。言語啁啾。譯傳大意。皆謂日本欺陵。懇求保護。因諭令具結前來。次早除牡丹中社里乃三社。以避倭不出外。到者計十有五社。均呈不敢刦殺押狀。臣霽與夏獻綸宣示。

國家德意。酌加賞犒。番目等歡欣鼓舞。咸求設官經理。永隸編氓。察其情狀。實出至誠。臣霽函諭倭將。既託病不出。卽告辭登舟。該倭將轉再三婉留。次日接晤。仍堅以生番非中國版圖為詞。卽將帶去臺灣府志檢出。內載生番各社。

歲輸番餉之數。與各社所具切結。令其閱看。彼反變羞成憤。經臣霽及夏獻綸屬聲曉譬。旋復婉謝。斷斷以所用兵費無著為言。經再據理駁斥。彼請一面致書柳原。一面由廈門電報。寄信回國。暫不必添兵前來。即派人搭中國輪船。分往廈滬兩處等語。臣霽等乃歸行館。十四日擬乘原船回郡。風潮愈厲。該船立腳不住。已退澎湖。旋由旱路。歷番社而行。烏道獸蹊。蜿蜒如綫。輿從饑憊。宿於風港。十五抵枋寮。方出番社。十六到鳳山。十七回郡城。此臣霽等親至瑯瑤與倭將辯論。及撫諭各番之情形也。臣等竊思倭奴雖有悔心。然窺我軍械之不精。營頭之不厚。貪驚之念。

積久難消。退兵不甘。因求貼費。貼費不允。必求通商。此皆萬不可開之端。且有不可勝窮之弊。非益嚴儆備。斷難望轉圜。儻恃其款詞。日延一日。奸民乘隙構煽。必致事敗垂成。班兵惰窳性成。募勇訓練無素。擬請於北洋大臣借撥久練洋槍隊三千。於南洋大臣借撥久練洋槍隊二千。如蒙

俞旨。請

飭其雇坐輪船來臺。乃有勦敵之軍。以為各營表率。提督羅大春經臣鶴年奏留內地。不能不從新改圖。南路迫近倭營。以鎮臣張其光專其任。該鎮原有部勇一營。並內地調勦廖

有富之兩營。更增募五營繼之。以遏衝突。臺北之要。甚於臺南。常有倭人窺伺。以臺灣道夏獻綸專其任。該道原有部勇一營。擬添募一營繼之。以杜旁竄之謀。據張其光稱。前南澳鎮總兵吳光亮。打仗勇敢。據夏獻綸稱。浙江候補道劉璣。甚有勇略。各請奏調前來。合無仰懇

天恩。飭兩廣總督。浙江巡撫。派令刻日東行。俾收臂助。臺民尚義而難持久。且漳泉粵三籍。氣類不同。必須得人聯絡。前署臺灣鎮曾元福。熟悉民情。鄉評亦好。臣等擬令其提倡南北鄉團。以資保固。並分招後山嚮導。諭致屯番生番各頭人。與之要約。此布置陸路諸軍之情形也。閩廠輪船。除來

往天津。上海。廣東。福州。廈門。傳遞信件外。不數調遣。擬於
滬局添調數號。由統領吳大廷督帶來臺。彌補空隙。此續
籌布置水軍之情形也。北洋畿輔重地。南洋財賦奧區。所
借洋槍隊。倭兵退卽令歸防。彼時召募勇營。亦當漸臻馴
熟。至倭情叵測。臣更當隨時偵探。一切防務。更宜區畫者。
續當馳

聞。

文煜等又奏。再本年三月間。臣孫楨接新任福建水師提
督彭楚漢天津來信云。五月可以抵閩。所有臣等請撥北
洋洋槍隊三千人。如該提督尚在津門。應懇

飭令其統帶來臺。以資各營表率。謹再合詞附片陳明。

諭軍機大臣等。沈葆楨等奏。理諭倭將。稍有端倪。仍遵旨加緊籌防。並請飭彭楚漢帶隊赴臺各摺片。覽奏均悉。潘蔚偕道員夏獻綸等。於五月初八日。馳抵瑯瑤。與日本中將西鄉從道。反覆辯論。逐條窮詰。西鄉從道理屈詞窮。旋以所用兵費無著為言。復經潘蔚據理駁斥。彼請一面致書柳原前光。一面寄信該國。暫不添兵前來。惟彼族貪鷙性成。未必遽能就我範圍。沈葆楨等所奏。非益嚴儆備。難望轉圜。儻恃其款詞。日延一日。奸民乘隙搆煽。必致事敗垂成等語。深合機宜。著照所請。由北洋大臣調撥久練洋槍隊三千人。南洋大臣調撥久練洋槍隊二千人。

均乘坐輪船赴臺。該郡現有兵勇。不甚得力。李鴻章李宗義。務當迅速調派。令其剋日起程前往。以壯聲勢。南北洋防務緊要。俟日本兵退後。沈葆楨等即令此項隊伍各歸防所。前據文煜等奏。擬留羅大春駐紮廈門。當經降旨。仍令迅即渡臺。辦理淡水一帶防務。並諭李鴻章檄飭彭楚漢迅赴本任。沈葆楨等此時計可接奉前旨。所陳臺灣南北路布置情形。及令曾元福提倡鄉團各事宜。即著督飭該員等悉心籌辦。務臻周妥。並偵探日本情形。隨時詳悉具奏。潘蔚在瑯瑤時。傳各社生番頭目。至者百數十人。皆稱日本欺陵。懇求保護。並願設官經理。永隸編氓。仍著沈葆楨等遵奉疊次諭旨。妥為收撫。以固其心。所有奏

調之前南澳鎮總兵吳光亮。浙江候補道劉璩。著瑞麟。楊昌濬。派令迅往臺郡。用資任使。閩省輪船不敷調撥。江蘇廣東沿海各口輪船。前有旨准歸沈葆楨調遣。卽著於滬局添調數號。由吳大廷督帶駛往。前諭李鴻章飭彭楚漢赴閩。如該提督尚未起程。此次調撥之北洋洋槍隊三千人。著卽令其統帶。迅由輪船馳赴臺灣。毋稍遲緩。該提督抵臺後。應否留於該郡督隊辦防之處。著該大臣等與大燾李鶴年會商辦理。

文煜等又奏。再閩廠新造輪船。前經奏定二百五十匹馬力者。額設礮勇二十六名。一百五十匹馬力者。額設礮勇十名。八十匹馬力者。額設礮勇六名。當時為圖節經費起